

Dr muetig Fischer

Musical score for 'Dr muetig Fischer' in G major (one sharp) and 3/4 time. The score consists of five staves of music. The first staff begins with a treble clef, a key signature of one sharp (F#), and a 3/4 time signature. The melody is written in a simple, folk-like style. Chords are indicated by letters A, E+, and D below the staff. The second staff continues the melody with similar chord markings. The third staff shows a change in the melody and chord markings. The fourth staff continues the piece. The fifth staff concludes the piece with a double bar line and a final chord marking.

Einisch im'ne winzig chlyne Schiffli
fährt e Fischer uf d's Meer usen,
är het grüeft: "Salü mitenanger,
morn am Morge bin i zrugg! "

Dusse ziet är Fisch um Fischli us em Meer,
plötzlech chunnt e risegrosse Sturm derhär,
ds Schiffly wiggelet u waggelet, bums,
flügt dr Fischer über Bord:

Sing twinke dudl dang
twinke dudl dang,
da'sch e cheiben inträssante Gsang,
twinke dudl dang
twinke dudl dang,
singt dr Fischer im Meer.

Är hänglet u scheinlet
i däm sauzigen u grüne Wasser uss,
är brüelet u holeiet
vergäben um Hiuf.
Süüferli schlüüft är du aben ohne Huet
bis a Grund vo dere siuberige Fluets,
aber gäb er abe geit, rüeft er no:
"Läb wou, Lisebeth! "

Sing twinke dudl dang
twinke dudl dang
da'sch e cheiben inträssante Gsang,
twinke dudl dang
twinke dudl dang,
singt er ungen im Meer.

Sys Gschpängscht schlüüft um Mitternacht
a's Bett vo syr Lisebeth,
won är're seit, wie tod är syg,
seit si: "Mir hänkt's us!
We my Fritz so tod isch, win är mir het gseit,
hani a mym Läbe gar e ke meh Fröid,
u mir gfaut es nümme wi früecher hie."
Sider spinnt si komplett

u singt twinke dudl dang
twinke dudl dang,
da'sch e cheiben inträssante Gsang,
twinke dudl dang
twinke dudl dang,
wie dr Fischer im Meer.

The bold Fisherman (trad. englisch)